

Գրանք անշուք, աղքատիկ գերեզմանատներ են, ուր այս ու այն կողմում, անկանոն կերպով փռւած են գերեզմանները: Սովորաբար իրենց ննջեցեալների գերեզմանի վրայ հողաթումբ են կանգնեցնում և մի քար դնում, իսկ հարուստները կանգնեցնում են՝ մեծ և շքեղ քառակուսի քարեր զանազան քանդակներով նկարազարդւած: Ընդհանրապէս միւսնոյն գերեզատանի անդամները միմեանց մօտ են թաղում:

Ն Շ Ա Ն Ա Ի ՈՐ Տ Յ Ն ԵՐ

Նոր-Տարի: Փետրիացիք Նոր-Տարւան, բացի «ամանոր» կոչելուց, տաւմ են և «կաղանդ»: Այդ օրը բոլոր գիւղացիները շտապում են եկեղեցի և պատարագից լետոյ խումբ-խումբ այցելում են քահանաների և քէզխուղաների տները տարին շնորհակարտելու. — «Շնորհաւոր ըլի Նոր-Տարին կամ կաղանդը, ամեն տարի բարով հասնիք». քէզխուղան պատասխանում է, — «Սաղ ըլիք, ուրախութեան տարի ըլի, սուրբ Յարութեան արժանանաք». ապա թէյով հիւրասիրում են:

Կաղանդի մասին այս գաղթականների մէջ լիշողութիւն ամենևին չի պահպանուել:

Ծնունդ եւ ՄԿՐՏՈՒՅԻՆ: Տեղական բարբառով «Ջրօխնէք» է կոչւում: Ծննդեան ժամերգութեան համարեա բոլոր գիւղացիները ներկայ են լինում, չատկապէս «Գանէլի» գրքի ժամանակ, որ կարդում են մանուկները. երեխաներից մէկը առանձին կանգնած կարդում է գրքի բուն պատմութիւնը, իսկ Սեդրաքի, Միսաքի և Արէգնակովի մասերը արտասանում են երեք մանուկ միասին կանգնած: Իսկ «Օրհնեցէք»ը երգում է ցածից խումբը:

Պատարագից լետոյ ժամաւորները վառած մոմերով վերագառնում են տուն և վառում ընթրիքի սեղանի վրայ, ուր պատրաստւած է լինում ուտելու և խմելու համար փլաւ, քուքու, զինի և օղի: